



> Adrès pa manda korespondensia

Na presidente di Tweede Kamer di Staten-General
Postbus 20018
2500 EA Den Haag

**DG Openbaar Bestuur &
Democr Rechtsstaat**

Turfmarkt 147
2511 DP Den Haag

Nos referensia
2024-0000349398

Fecha 14 di yùni 2024
Tópiko Karta di trayekto di progreso diskulpa pasado di sklabbitut

Introdukshon

Den su diskurso di 19 di desèmber 2022, minister-presidente Mark Rutte a papia tokante di tuma pasonan huntu: "Den konsulta, skuchando otro i ku un intenshon: hasi hustisia na pasado, sana den presente. Un koma, no un punto." Un parti importante di e koma aki ta e estableimentu di un Komité di Rekuerdo Independiente ku lo tira un bista riba e implementashon i organisashon di un konmemorashon grandioso i digno di pasado di sklabbitut. Tambe lo krea e reglanan pa inisiativa sosial. Ku e karta aki boso Parlamento lo haña informashon tokante e presidente i e tareanan di e Komité di Rekuerdo di Pasado di Sklabbitut ku ta den proseso di formashon. I e publikashon di e regla di supsidio pa inisiativanan sosial na Hulanda Europeo i na e parti Karibense di Reino riba 1 di yùli benidero. Den e karta di 22 di aprel pasá¹ a informá bo Parlamento anteriormente tokante e siguiente pasonan despues di e pidimentu di dispensa pa pasado di sklabbitut.

E Komité di Rekuerdo di Pasado di Sklabbitut den formashon

Pa e formashon di e Komité aki nos a traha hopi di serka ku desendientenan i otro nan envolví. Asina nos a invitá desendientenan i otro nan envolví for di tur parti di Reino, inkluso NiNsee, i Surnam, den reunionnan na Catshuis, pa konsultá ku nan tokante kon por hinka e komité konmemorativo aki den otro i kua mester ta e perfil di e miembranan i e presidente. Tambe, nos a tene kombersashonnan individual ku desendientenan i ekspertonan for di henter Reino i Surnam. Adishonalmente, nos a organisá seshonnan di diálogo na Hulanda Europeo den kolaborashon ku e búro di investigashon TrueTalk. Un konklushon importante ta ku no tin un manera úniko pa rekordá. Esaki ta reflehá den diferente nesesidatnan. Di un banda tin e nesesidat pa rekordá den maneranan diferente, segun kada un su historia, komunitat i kultura. Di otro banda tin e nesesidat pa un rekuerdo unda tur hende por identifika nan mes. Partisipantenan den e diálogo tambe a indiká ku rekordá huntu por amplia e konsiensia tokante e pasado den henter sosiedat.

Basá riba e aporte aki, nos a formulá algun prinsipionan i nos a tèst esakinan di nobo ku desendientenan i otronan envolví. For di esaki a resultá ku tin un gran sosten pa e siguiente prinsipionan:

- Den e Komité di Rekuerdo mester tin representashon igual di e diferente komunitatnan den e Reino.
- Pa Surnam tin, si Surnam ta deseá esaki, tambe espasio den e Komité.

¹[Karta pa Parlamento di 22 di aprel 2024 tokante e siguiente paso den proseso di pidimentu di dispensa pa pasado di sklabbitut.](#)

Fecha

14 di yüni 2024

Nos referensia

2024-0000349398

- Den Reino tin otro fechanan ku no ta 1 di yüli ku tambe ta importante relashoná ku pasado di sklabilitut, manera rekuerdo di rebelion bou di liderato di Tula riba 17 di ougùstùs 1795 na Kòrsou i e rekuerdo di e antepasadonan Maron riba 10 di òktober. Aunke nos ta pone gran balor na otro fecha, 1 di yüli mester keda e fecha pa Rekuerdo Nashonal, pasobra esaki ta realmente e momentu di abolishon di sklabilitut Hulandes na mundu.
- E Komité di Rekuerdo tin tambe atenshon pa otro fechanan ku tin relashon ku nos pasado di sklabilitut i ta stimulá tur kultura di rekuerdo den henter Reino.
- E Komité di Rekuerdo tambe tin e tarea pa oumentá konsientisashon tokante pasado di sklabilitut i su impakto kontinuá den presente i pa hasi investigashon tokante e pasado aki.
- Miembronan di e Komité mester tin konosementu tokante pasado di sklabilitut i kulturanan di rekuerdo, i sosten den e diferente komunitatnan.
- Pa e presidente ta importante ku tin eksperensia na nivel di liderato i e abilidadat pa uni e diferente komunitatnan di gran importansia i tambe ku e sosiedat den su totalidat.

Tarea

Basá riba e prinsipionan aki, nos ta establecé un fundashon ku e nòmber Komité pa Rekordá Pasado di Sklabilitut. Den e Konseho di Minister di 14 di yüni pasá, nos a aprobá e nominashon di Astrid Elburg komo presidente di e komité den formashon. E Komité lo haña e siguiente tareanan:

- E responsabilidat pa organisá e Rekuerdo Nashonal riba 1 di yüli den henter Reino; esaki ta den e promé instansia pa rekordá e pasado di sklabilitut trans-Atlántiko ku atenshon pa e propósito di rekuerdo, inklushon di tur komunitatnan (di tur manera esnan Afro-Surnam, Afro-Karibe, Maron i Indígena) i e unifikashon den e Reino i ku Surnam, te ku e punto kaminda Surnam tambe ta deseá esaki.
- Responsabel pa oumentá konsientisashon sosial tokante e pasado di sklabilitut i su impakto riba presente den Reino.
- Stimulá investigashon tokante pasado di sklabilitut.
- Fasilitá i sostené desaroyo di otro konmemorashon i selebrashonnan ku ta importante pa rekordá e pasado di sklabilitut den Reino.
- Krea konsulta ku Surnam tokante nan partisipashon den e Komité pa Rekordá Pasado di Sklabilitut.
- Lo investigá huntu ku e komunitatnan involví si den futuro mester amplia e alkanse di e rekuerdo, tantu di forma geográfiko òf forma temátiko.
- Huntu ku partnernan sosial, lo eksplorá e posibilidat pa hasi di 1 di yüli un dia liber i Fiesta Nashonal den Reino.

Ku NiNsee nos a tene konsulta tokante e formashon di e Komité di Konmemorashon. NiNsee a traha hopi aña pa logra rekonosementu pa e pasado di sklabilitut i pa hasi di e rekuerdo di e pasado di sklabilitut riba 1 di yüli na Oosterpark loka esaki ta awor. E eksperensia, konosementu i e ret di NiNsee ta indispensabel pa e Komité di Konmemorashon den formashon. Pa e motibu aki, na 2025, 2026 i 2027 NiNsee lo organisá e rekuerdo nashonal di 1 di yüli na Hulanda Europeo bou di e direkshon i responsabilidat di e Komité di Konmemorashon. E Komité di Rekuerdo den konsulta ku NiNsee i e komunitatnan involví lo determiná

kon e kolaborashon lo ta den e aña benidero. Ademas, NiNsee lo haña e oportunidat pa proponé un di e miembro pa un di e asientonan den e Komité di Rekuerdo di Sklabitut ku ta den proseso di formashon. Finalmente, lo eksplorá ku e direktiva di NiNsee kon NiNsee por yena e funshon eksistente di konosementu den e konsientisashon tokante pasado di sklabitut trans-Atlántiko. E ròl di konosementu aki mester ta komplementario na e mision di e Komité di Rekuerdo di Sklabitut pa e stimulá investigashon i e ròl di konosementu ku e Museo Nashonal di Sklabitut ta desaroyando.

Komposishon i nominashon

E Komité ta konsistí di un máksimo di dies persona, unda representashon geográfiko ta e prinsipio di guia. E miembronan ta bini di e diferente parti di Reino i tin un asiento disponibel pa Surnam, si Surnam ta deseá esaki. E komité, inkluso e presidente, ta konsistí di:

- Dos miembro di Hulanda Europeo: preferiblemente un for di diáspora Karibense i un for di diáspora di Surnam.
- Pa motibu di nan añanan largu di esfuerso pa rekonosé e pasado di sklabitut i nan eksperensia i ret di konekshon, lo inkluí den e statuto ku NiNsee por proponé un di e miembronan aki.
- Un miembro for di Aruba;
- Un miembro for di Boneiru;
- Un miembro for di Kòrsou;
- Un miembro for di Saba;
- Un miembro for di Sint-Eustatius;
- Un miembro for di Sint-Maarten;
- Un miembro for di Surnam, si Surnam ta deseá esaki;
- Un miembro sin un konekshon direkto ku e pasado di sklabitut ku ta representá e sosiedat mas amplio den Reino i ke pone su esfuerso pa e ophetivonan di e Komité.

Aparte di representashon geográfiko, e miembronan di e Komité lo tin konosementu huntu tokante e pasado di sklabitut, kultura di herensia, historia kolonial, edukashon, investigashon, komunikashon, finansa i rekoudashon di fondo, kultura, i tur e idiomaan rekonosí den Reino i Surnam lo ta representá. Pa e presidente, eksperensia adishonal den direktiva i e kapasidat pa aktua di manera ta unifiká ta importante. Tur miembronan lo forma parti di e Komité sin influensia òf instrukshon di otro.

Na formashon di e Komité, gabinete lo nombra e miembronan, na unda e lo nominá e miembronan di e parti Karibense di Reino pa e gobernashon lokal di Aruba, Boneiru, Kòrsou, Saba, Sint Eustatius i Sint Maarten. Si Surnam ke partisipá, gobièrnu di Surnam lo nombra e miembro. Lo nombra e miembronan di direktiva pa un periodo di tres aña. Ta bolbe nombra e miembronan komo máksimo un biaha mas. Den e statutonon lo tin un Komishon di Konseho pa Nominashon ku lo ta responsabel pa proponé kandidatonan apropiá pa e Komité den futuro. E Komité ta nombra miembro nobo, riba rekomendashon di e komishon di konseho di nombramentu. E minister di Asuntunan Interno, riba rekomendashon di e Komité ta nombra e presidente.

Fecha

14 di yüni 2024

Nos referensia

2024-0000349398

E Komité lo haña sosten di un organisashon di trabou ku tin empleado den Hulanda Europeo i den e parti Karibense di Reino, pa fortalesé e kolaborashon i stimulá e interkambio di e diferente kulturanan di rekuerdo.

Proseso

Riba base di loke ta ekspresá aki riba, konforme e marko pa fundashonnan, lo formalisá e akto di fundashon di e Komité di Konmemorashon di Pasado di Sklabitut. E ophetivo ta pa e Komité di Konmemorashon di Pasado di Sklabitut den formashon ku lo ta operashonal promé ku fin di e aña aki. Pa e Komité di Rekuerdo di Sklabitut den formashon i su organisashon di trabou relashoná, tin € 8 mion disponibel pa aña.

Regla di supsidio pa inisiativanan sosial

Riba 1 di yüli 2024 lo publiká e regla di supsidio pa inisiativanan sosial pa Hulanda Europeo i e parti Karibense di Reino den Staatscourant kaminda ta anuncia ku e entrada na vigor lo tuma lugá na un momentu mas lat. E periodo entre e publikashon di e regla i e periodo pa por hasi petishon, lo ta uzá pa seshonnan di informashon pa e solisitantenan. Ademas, den e periodo aki, informashon tokante e komishon di konseho, e periodo pa por manda petishon i e entrada na vigor lo ta spesifiká mas detayá, basá riba e konsulta ku posibel personanan ku lo implementá di e reglanan i desendientenan i otronan involví. Pa e ehekushon di e dos reglanan, e ministerio di BZK ta den diálogo ku un di e posibel ehekutornan.

Ta publiká e resúmen di e resultado di e konsulta di internet, pa regla riba e wèpsait di konsulta i tambe ta inkluí den e splikashon di e regla.²

Pa Surnam, tin un marko di maneho di supsidio pa iniciativa sosial den preparashon. E diálogo ku Surnam tokante e marko di maneho di supsidio ta tuma su propio tempu. E intenshon di Surnam pa establese un plataforma den kua desendientenan i otro hende involví lo tuma parti, ta pone Surnam i Hulanda den posishon pa tin un diálogo mas dirigí. E presidente di Surnam lo instalá e plataforma aki.

Pa konkluí

Den e último luna di e Aña di Konmemorashon di Pasado di Sklabitut, nos ta tuma pasonan importante huntu den e proseso di kresementu di konsientisashon tokante e pasado di sklabitut. Huntu ku desendientenan i otronan involví nos a pone fundeshinan importante pa un futuro huntu. Nos ta sumamente agradesido na tur esnan ku no solamente durante e añanan pasá sino tambe durante e dékadananan pasá, a traha duru pa rekonosementu i konsientisashon di e pasado aki. Nos ta konfia ku nos a kontribuí pa yena e páginanan habrí ku ta dilanti di nos ku diálogo, rekonosementu i sanashon.

Sekretario di Estado di Digitalisashon i Relashonnan di Reino,

² [Overheid.nl | Consultatie Subsidieregeling maatschappelijke initiatieven slavernijverleden Caribisch deel van het Koninkrijk \(internetconsultatie.nl\)](#)
[Overheid.nl | Consultatie Subsidie maatschappelijke initiatieven slavernijverleden Europees Nederland \(internetconsultatie.nl\)](#).

**DG Openbaar Bestuur &
Democr Rechtsstaat**

Fecha
14 di yüni 2024

Nos referensia
2024-0000349398

Alexandra C. van Huffelen

Minister di Asuntunan Interno i Relashon di Reino,

Hugo de Jonge

Minister di Asuntunan Eksterno,

Hanke Bruins Slot

**DG Openbaar Bestuur &
Democr Rechtsstaat**

Fecha
14 di yüni 2024

Nos referensia
2024-0000349398

Minister di Enseñansa, Cultura i Siensa,

Robbert Dijkgraaf

Minister di Asuntunan Sosial i di Labor,

C.E.G. van Gennip

Minister pa Protekshon Legal,

F.M. Weerwind

**DG Openbaar Bestuur &
Democr Rechtsstaat**

Fecha
14 di yüni 2024

Nos referensia
2024-0000349398

Sekretario di estado di Salubridat, Bienestar i Deporte,

Maarten van Ooijen